

"Мемлекеттік атаулы әлеуметтік көмек алуға үміткер адамның (отбасының) жиынтық табысын есептеудің ережесін бекіту туралы" Қазақстан Республикасы Еңбек және халықты әлеуметтік қорғау министрінің 2009 жылғы 28 шілдедегі № 237-ө бұйрығына өзгерістер енгізу туралы

Күшін жойған

Қазақстан Республикасы Еңбек және халықты әлеуметтік қорғау министрінің 2020 жылғы 27 қарашадағы № 468 бұйрығы. Қазақстан Республикасының Әділет министрлігінде 2020 жылғы 30 қарашада № 21691 болып тіркелді. Күші жойылды - Қазақстан Республикасы Еңбек және халықты әлеуметтік қорғау министрінің 2023 жылғы 26 мамырдағы № 181 бұйрығымен.

Ескерту. Күші жойылды – ҚР Еңбек және халықты әлеуметтік қорғау министрінің 26.05.2023 № 181 (01.07.2023 бастап қолданысқа енгізіледі) бұйрығымен.

"Мемлекеттік атаулы әлеуметтік көмек туралы" 2001 жылғы 17 шілдедегі Қазақстан Республикасы Заңының 7-бабының 4-тармағына сәйкес БҰЙЫРАМЫН:

1. "Мемлекеттік атаулы әлеуметтік көмек алуға үміткер адамның (отбасының) жиынтық табысын есептеудің ережесін бекіту туралы" Қазақстан Республикасы Еңбек және халықты әлеуметтік қорғау министрінің 2009 жылғы 28 шілдедегі № 237-ө бұйрығына (Нормативтік құқықтық актілерді мемлекеттік тіркеу тізілімінде № 5757 болып тіркелген, 2009 жылғы 11 қыркүйекте № 138 (1735) "Заң газеті" газетінде жарияланған) мынадай өзгерістер енгізілсін:

көрсетілген бұйрықпен бекітілген Мемлекеттік атаулы әлеуметтік көмек алуға үміткер адамның (отбасының) жиынтық табысын есептеу қағидаларында:

8-тармақ мынадай редакцияда жазылсын:

"8. Мыналар отбасының жиынтық табысын есептеу кезінде жеке тұлғаның табысы ретінде қарастырылмайды:

- 1) атаулы әлеуметтік көмек;
- 2) тұрғын үй көмегі;
- 3) жерлеуге арналған біржолғы жәрдемақы;
- 4) он алты жасқа дейінгі мүгедек балаларға мүгедектігі бойынша мемлекеттік әлеуметтік жәрдемақылар;
- 5) бірінші, екінші, үшінші топтардағы он алты жастан он сегіз жасқа дейінгі мүгедек балаларға мүгедектігі бойынша мемлекеттік әлеуметтік жәрдемақылар;

6) он алты жасқа дейінгі мүгедек балаларға арнаулы мемлекеттік жәрдемақылар;

7) бірінші, екінші, үшінші топтардағы он алты жастан он сегіз жасқа дейінгі мүгедек балаларға арнаулы мемлекеттік жәрдемақылар;

8) "Алтын алқа", "Күміс алқа" алқаларымен наградталған немесе бұрын "Батыр ана" атағын алған, I және II дәрежелі "Ана даңқы" ордендерімен наградталған көп балалы аналарға тағайындалатын және төленетін ай сайынғы мемлекеттік жәрдемақылар;

9) жоғары білім беру бағдарламаларын іске асыратын білім беру ұйымдарында оқитын студенттерге, техникалық және кәсіптік (мектептер, колледждер), білім беру ұйымдарының студенттеріне төленетін мемлекеттік стипендия;

10) отбасына төтенше жағдайлар салдарынан денсаулығы мен мүлкіне келтірілген зиянды өтеу мақсатында көрсетілген көмек;

11) бала тууға байланысты берілетін біржолғы мемлекеттік жәрдемақылар;

12) Қазақстан Республикасының білім саласындағы заңнамасына сәйкес білім беру ұйымдарында табысы аз отбасылардан шыққан студенттерге көрсетілетін материалдық көмек;

13) азық-түлік өнімдері бағасының қымбаттауына байланысты "Әлеуметтік көмек көрсетудің, оның мөлшерлерін белгілеудің және мұқтаж азаматтардың жекелеген санаттарының тізбесін айқындаудың үлгілік қағидаларын бекіту туралы" Қазақстан Республикасы Үкіметінің 2013 жылғы 21 мамырдағы № 504 қаулысына (бұдан әрі – Үлгілік қағидалар) сәйкес табысы аз азаматтарға мемлекеттік бюджеттен және өзге де көздерден көрсетілген ақшалай немесе зат түріндегі көмек;

14) Үлгілік қағидаларға сәйкес көрсетілетін біржолғы ақшалай көмек;

15) қайырымдылық көмек;

16) азаматтардың тегін немесе жеңілдікпен протездеуге бару жолына ақы төлеу;

17) протездеу уақытында азаматтарды ұстау;

18) азаматтардың елді мекеннен тыс жерлерге емделуге тегін немесе жеңілдікпен жол жүру құны;

19) Қазақстан Республикасының заңнамасына сәйкес көрсетілген заттай көмек:

дәрілік препараттар;

санаторлық-курорттық емдеу;

протездік-ортопедиялық бұйымдар (жасау және жөндеу);

мүгедектерге бөлінген жүріп-тұру құралдары (кресло-арбалар) мен оңалту құралдары;

жан басына шаққандағы табысы ең төмен күнкөріс деңгейінен аз, мемлекеттік атаулы әлеуметтік көмек алмаған отбасылардан шыққан мемлекеттік білім беру мекемелерінің студенттері мен оқушыларына, жетім балаларға, ата-анасының қамқорлығынсыз қалған, отбасыларда тұратын балаларға, төтенше жағдайлардың нәтижесінде шұғыл көмекті қажет ететін отбасылардан шыққан балаларға және Қазақстан Республикасының білім туралы заңнамасына сәйкес студенттер мен тәрбиеленушілердің өзге санаттарына ұсынылатын материалдық көмек;

табысы аз отбасылардан шыққан балаларға кепілдік берілген әлеуметтік топтама шеңберінде ұсынылатын көмек;

20) жетім баланы және (немесе) ата-ананың қамқорлығынсыз қалған баланы асырап алумен байланысты біржолғы төлемдер;

21) Бағдарлама шеңберінде ерікті түрде қоныс аударушыларға (әр отбасы мүшесіне) көшуге берілетін біржолғы төлем;

22) "Қазақстан Республикасы азаматтарының борыш жүктемесін азайту жөніндегі шаралар туралы" Қазақстан Республикасы Президентінің 2019 жылғы 26 маусымдағы № 34 Жарлығына сәйкес кепілсіз тұтынушылық қарыздар бойынша берешекті екінші деңгейдегі банктерде және микроқаржы ұйымдарында біржолғы өтеу;

23) тұрғын үй заңнамасында белгіленген тәртіппен қарыз бойынша бастапқы төлемнің бір бөлігін жабуға арналған тұрғын үй сертификаттарының сомасы;

24) төтенше жағдай немесе шектеу іс-шаралары кезеңінде ұсынылатын азық-түлік және тұрмыстық жиынтықтар, сондай-ақ осы көмектің орнына төленетін сома;

25) төтенше жағдай кезеңінде қызметінің шектелуіне байланысты кірісінен айырылу жағдайына немесе шектеу іс-шараларын енгізуге байланысты кірістен айырылу жағдайы бойынша біржолғы әлеуметтік төлемдер.";

16-тармақ мынадай редакцияда жазылсын:

"16. Отбасының жиынтық табысын есептеу кезінде отбасының мынадай түрде алынған табысы ескеріледі:

1) Еңбекақы төлеу жүйесіне сәйкес жұмыс берушіден еңбекақы ретінде алынған, атап айтқанда:

еңбекақы төлеу жүйесіне сәйкес жалақының барлық түрлері, оның ішінде кесімді, мерзімді, сондай-ақ ақшалай және заттай нысандағы сыйлықақылар, қосымша ақылар, үстемеақылар (қызметкерлерге Қазақстан Республикасының еңбек заңнамасына, сондай-ақ келісімдерге, еңбек, ұжымдық шарттарға және жұмыс берушілердің актілеріне сәйкес төленетін ақшалай соманы қоса алғанда, қаржыландыру көзіне қарамастан);

қызметкер жалақысының сақталуына кепілдік берілетін кезең үшін жұмыс беруші есептейтін және қызметкерлерге төленетін орташа жалақы;

ұйым (занды тұлға) таратылған немесе жұмыс берушінің (жеке тұлғаның) қызметі тоқтатылған, қызметкерлер саны немесе штаты қысқартылған жағдайларда еңбек шартының бұзылуы кезінде Қазақстан Республикасының еңбек заңнамасында белгіленген мөлшерде төленетін өтемақылар;

сақтандыру агенттері мен брокерлерге төленетін комиссиялық сыйақы;

бала туғанда және жерлеуге берілетін жәрдемақылардан басқа, жалақы есептеу кезінде ескерілмейтін және ұйым қаражатының есебінен төленетін төлем түрлері;

мерзімді қызметтегі әскери қызметшілердің ақшалай үлесін қоспағанда, әскери қызметшілердің, оның ішінде келісімшарт бойынша қызмет өткеріп жүргендердің және ішкі істер органдарының қатардағы және басшы құрамдағы адамдарының, сондай-ақ соларға теңестірілген азаматтар санаттарының үстемеақылар мен қосымша ақылар ескерілген ақшалай ризығы;

жұмыс беруші төлеген кредит сомалары. Көрсетілген төлемдер кредитті өтудің белгіленген мерзіміне бөлінеді;

әскери қызметшілерге және арнаулы мемлекеттік органдардың қызметкерлеріне берілетін ағымдағы тұрғын үй төлемдері;

2) әлеуметтік төлемдер, атап айтқанда:

"Қазақстан Республикасында зейнетақымен қамсыздандыру туралы" 2013 жылғы 21 маусымдағы Қазақстан Республикасының Заңына сәйкес белгіленген тәртіппен тағайындалатын зейнетақылардың барлық түрлері, оларға өтемақы төлемдері;

он алты жасқа дейінгі мүгедек балаларға мүгедектігі бойынша мемлекеттік әлеуметтік жәрдемақыдан және бірінші, екінші, үшінші топтардағы он алты жастан он сегіз жасқа дейінгі мүгедек балаларға берілетін мүгедектігі бойынша мемлекеттік әлеуметтік жәрдемақылардан басқа, мүгедектігі бойынша, асыраушысынан айырылу жағдайы бойынша берілетін мемлекеттік әлеуметтік жәрдемақылар;

он алты жасқа дейінгі мүгедек балаларға берілетін арнаулы мемлекеттік жәрдемақыдан және бірінші, екінші, үшінші топтардағы он алты жастан он сегіз жасқа дейінгі мүгедек балаларға берілетін арнаулы мемлекеттік жәрдемақыдан басқа, арнаулы мемлекеттік жәрдемақылар;

жерасты және ашық кен жұмыстарында, сондай-ақ еңбек жағдайлары ерекше зиянды және ауыр жұмыстарда істеген адамдарға берілетін мемлекеттік арнаулы жәрдемақылар;

төтенше жағдай кезеңінде қызметінің шектелуіне байланысты кірісінен айырылу жағдайына немесе шектеу іс-шараларын енгізуге байланысты кірістен

айырылу жағдайы бойынша біржолғы әлеуметтік төлемдерді қоспағанда, мемлекеттік әлеуметтік сақтандыру қорынан төленетін әлеуметтік төлемдер;

бала бір жасқа толғанға дейін оның күтіміне байланысты мемлекеттік жәрдемақылар;

үйде оқитын мүгедек балаларды оқыту шығындарын өтеу;

қамқоршыларға немесе қорғаншыларға жетім баланы (жетім балаларды) және ата-анасының қамқорлығынсыз қалған баланы (балаларды) асырап-бағуға берілетін жәрдемақы;

патронат тәрбиелеушілерге берілген баланы (балаларды) асырап-бағуға берілетін төлем;

мүгедек баланы (балаларды) тәрбиелеп отырған анаға немесе әкеге, асырап алушыға, қамқоршыға (қорғаншыға) тағайындалатын және төленетін мемлекеттік жәрдемақы;

жұмыс берушінің қаражаты есебінен берілетін әлеуметтік қамсыздандыру бойынша жәрдемақылар;

отставкадағы судьяның ай сайынғы өмір бойғы қамтылымы;

зейнетақы төлемдерін алушыларға инфляция деңгейін ескере отырып, нақты енгізілген міндетті зейнетақы жарналары, міндетті кәсіптік зейнетақы жарналары мөлшерінде бірыңғай жинақтаушы зейнетақы қорындағы міндетті зейнетақы жарнамаларының, міндетті кәсіптік зейнетақы жарналарының сақталуына мемлекеттің кепілдіктері;

төрт және одан да көп кәмелетке толмаған бірге тұратын балалары, оның ішінде орта, техникалық және кәсіптік, орта білімнен кейінгі, жоғары және (немесе) жоғары оқу орнынан кейінгі білім беру ұйымдарында күндізгі оқу нысаны бойынша оқитын балалары бар отбасыларға олар кәмелетке толғаннан кейін білім беру ұйымдарын бітіргенге дейін (бірақ жиырма үш жасқа толғанға дейін) тағайындалатын және төленетін ай сайынғы мемлекеттік жәрдемақы;

стипендия, оның ішінде қаржыландыру көзіне қарамастан, интерндерге, магистранттарға, докторанттарға, резидентура тыңдаушыларына және оқу орындарының басқа да тыңдаушыларына төленетін мемлекеттік атаулы және атаулы стипендия;

табысы аз отбасылардан шыққан балаларға кепілдік берілген әлеуметтік топтама шеңберінде көрсетілетін көмекті қоспағанда, жергілікті бюджет қаражаты есебінен берілетін қалаішілік қоғамдық көлікте жүруге берілетін материалдық (әлеуметтік) көмек;

қаржыландыру көзіне қарамастан, интерндерге, магистранттарға, докторанттарға, резидентура тыңдаушыларға және оқу орындарының басқа тыңдаушыларға төленетін стипендия;

табысы аз отбасылардан шыққан балаларға кепілдік берілген әлеуметтік топтама шеңберінде көрсетілетін көмекті қоспағанда, жергілікті бюджет қаражаты есебінен берілетін қалайшілік қоғамдық көлікте жүруге берілетін материалдық (әлеуметтік) көмек;

төтенше жағдай немесе шектеу іс-шараларын кезеңінде ұсынылатын азық-түлік және тұрмыстық жиынтықтарын, сондай-ақ осы көмектің орнына төленетін соманы қоспағанда, Қазақстан Республикасының заңнамасына сәйкес берілетін заттай көмек түрлерінің құны, сондай-ақ осы көмектің орнына төленетін сома;

Қазақстан Республикасының заңнамалық актілерінде жергілікті мемлекеттік басқару органдары, мекемелері мен ұйымдары белгілеген барлық төлем түрлеріне үстемеақылар мен қосымша ақылар.";

1-қосымша осы бұйрыққа қосымшаға сәйкес жаңа редакцияда жазылсын.

2. Қазақстан Республикасы Еңбек және халықты әлеуметтік қорғау министрлігінің Әлеуметтік көмек саясатын дамыту департаменті заңнамада белгіленген тәртіппен:

1) осы бұйрықты Қазақстан Республикасының Әділет министрлігінде мемлекеттік тіркеуді;

2) осы бұйрық ресми жарияланғаннан кейін оны Қазақстан Республикасы Еңбек және халықты әлеуметтік қорғау министрлігінің ресми интернет-ресурсында орналастыруды;

3) осы бұйрықты облыстардың, Нұр-Сұлтан, Алматы және Шымкент қалаларының жұмыспен қамтуды үйлестіру және әлеуметтік бағдарламалар басқармаларының, "Азаматтарға арналған үкімет" мемлекеттік корпорациясы" коммерциялық емес акционерлік қоғамының, "Еңбек ресурстарын дамыту орталығы" акционерлік қоғамының назарына жеткізуді қамтамасыз етсін;

4) осы бұйрық Қазақстан Республикасының Әділет министрлігінде мемлекеттік тіркелгеннен кейін он жұмыс күні ішінде Қазақстан Республикасы Еңбек және халықты әлеуметтік қорғау министрлігінің Заң қызметі департаментіне осы тармақтың 1) және 2) тармақшаларында көзделген іс-шаралардың орындалуы туралы мәліметтер ұсынуды.

3. Осы бұйрықтың орындалуын бақылау Қазақстан Республикасының Еңбек және халықты әлеуметтік қорғау вице-министрі Е.М. Әукеновке жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасының
Еңбек және халықты әлеуметтік қорғау министрі*

Б. Нурымбетов

Қазақстан Республикасының
Еңбек және халықты әлеуметтік
қорғау министрінің

2020 жылғы 27 қарашасы
№ 468 бұйрығына
қосымша
Мемлекеттік атаулы әлеуметтік
көмек алуға үміткер адамның
(отбасының) жиынтық табысын
есептеу ережесіне
1-қосымша

**Қазақстан Республикасының табиғи жағдайы бойынша әкімшілік-аумақтық
аудандардың тізбесі**

Облысы, республикалық маңызы бар қала, астана	Ауданы, қаласы
1	2
1. Дала аймағы	
Солтүстік Қазақстан облысы	1. Айыртау ауданы 2. Ақжар ауданы 3. Мағжан Жұмабаев ауданы 4. Есіл ауданы 5. Жамбыл ауданы 6. Қызылжар ауданы 7. Мамлют ауданы 8. Шал ақын ауданы 9. Аққайың ауданы 10. Тайынша ауданы 11. Тимирязев ауданы 12. Уәлиханов ауданы 13. Ғабит Мүсірепов ауданы 14. Петропавл қаласы
Ақмола облысы	1. Біржан сал ауданы 2. Зеренді ауданы 3. Бурабай ауданы 4. Сандықтау ауданы 5. Бұланды ауданы 6. Ақкөл ауданы 7. Ерейментау ауданы 8. Жақсы ауданы 9. Көкшетау қаласы 10. Степногор қаласы
Қостанай облысы	1. Қарабалық ауданы 2. Федоров ауданы 3. Меңдіқара ауданы 4. Ұзынкөл ауданы 5. Денисов ауданы 6. Әуликөл ауданы 7. Қарасу ауданы 8. Алтынсарин ауданы 9. Сарыкөл ауданы 10. Қостанай ауданы 11. Бейімбет Майлин ауданы

	12. Қостанай қаласы 13. Рудный қаласы
Павлодар облысы	1. Ертіс ауданы 2. Железин ауданы 3. Тереңкөл ауданы
2. Қуаң дала аймағы	
Батыс Қазақстан облысы	1. Ақжайық ауданы 2. Тасқала ауданы 3. Бәйтерек ауданы 4. Теректі ауданы 5. Бөрілі ауданы 6. Шыңғырлау ауданы 7. Орал қаласы
Ақтөбе облысы	1. Қобда ауданы 2. Мәртөк ауданы 3. Әйтеке би ауданы 4. Қарғалы ауданы 5. Алға ауданы 6. Ақтөбе қаласы
Қостанай облысы	1. Қамысты ауданы 2. Наурызым ауданы 3. Жітіқара ауданы 4. Лисаковск қаласы
Ақмола облысы	1. Есіл ауданы 2. Атбасар ауданы 3. Қорғалжын ауданы 4. Шортанды ауданы 5. Целиноград ауданы 6. Астрахан ауданы 7. Аршалы ауданы 8. Егіндікөл ауданы 9. Жарқайың ауданы
Нұр-Сұлтан қаласы	1. Нұр-Сұлтан қаласы
Қарағанды облысы	1. Нұра ауданы 2. Қарқаралы ауданы 3. Осакаров ауданы 4. Абай ауданы 5. Бұқар жырау ауданы 6. Қарағанды қаласы 7. Сарань қаласы 8. Шахтинск қаласы 9. Теміртау қаласы
Павлодар облысы	1. Ақтоғай ауданы 2. Баянауыл ауданы 3. Аққулы ауданы 4. Май ауданы 5. Павлодар ауданы 6. Успен ауданы

	7. Шарбақты ауданы 8. Павлодар қаласы 9. Ақсу қаласы 10. Екібастұз қаласы
Шығыс Қазақстан облысы	1. Бесқарағай ауданы 2. Бородулиха ауданы 3. Алтай ауданы 4. Көкпекті ауданы
3. Шөлейтті аймақ	
Алматы облысы	1. Қапшағай ауданы
Батыс Қазақстан облысы	1. Бөкөйордасы ауданы 2. Жаңақала ауданы 3. Жәнібек ауданы 4. Қазталов ауданы 5. Қаратөбе ауданы 6. Сырым ауданы
Қостанай облысы	1. Амангелді ауданы 2. Жангелді ауданы 3. Арқалық қаласы
Ақтөбе облысы	1. Ойыл ауданы 2. Темір ауданы 3. Ырғыз ауданы 4. Хромтау ауданы 5. Мұғалжар ауданы
Қарағанды облысы	1. Жаңаарқа ауданы 2. Шет ауданы 3. Ақтоғай ауданы 4. Ұлытау ауданы 5. Жезқазған қаласы 6. Балқаш қаласы 7. Қаражал қаласы 8. Приозерск қаласы 9. Сәтбаев қаласы
Шығыс Қазақстан облысы	1. Абай ауданы 2. Аягөз ауданы 3. Жарма ауданы 4. Семей қаласы 5. Курчатов қаласы
4. Шөлдi аймақ	
Атырау облысы	1. Жылыой ауданы 2. Индер ауданы 3. Исатай ауданы 4. Құрманғазы ауданы 5. Қызылқоға ауданы 6. Мақат ауданы 7. Махамбет ауданы 8. Атырау қаласы
	1. Арал ауданы

Қызылорда облысы	2. Жалағаш ауданы 3. Жаңақорған ауданы 4. Қазалы ауданы 5. Қармақшы ауданы 6. Сырдария ауданы 7. Шиелі ауданы 8. Қызылорда қаласы
Ақтөбе облысы	1. Байғанин ауданы 2. Шалқар ауданы
Маңғыстау облысы	1. Бейнеу ауданы 2. Қарақия ауданы 3. Маңғыстау ауданы 4. Түпқараған ауданы 5. Мұнайлы ауданы 6. Ақтау қаласы 7. Жаңаөзен қаласы
Түркістан облысы	1. Созақ ауданы 2. Отырар ауданы
Жамбыл облысы	1. Сарысу ауданы 2. Талас ауданы 3. Тұрар Рысқұлов ауданы
Алматы облысы	1. Балқаш ауданы
5. Тау етегі-шөлді-далалық аймақ	
Алматы облысы	1. Ақсу ауданы 2. Алакөл ауданы 3. Еңбекшіқазақ ауданы 4. Жамбыл ауданы 5. Кеген ауданы 6. Кербұлақ ауданы 7. Көксу ауданы 8. Қаратал ауданы 9. Қарасай ауданы 10. Панфилов ауданы 11. Райымбек ауданы 12. Сарқанд ауданы 13. Талғар ауданы 14. Ескелді ауданы 15. Ұйғыр ауданы 16. Іле ауданы 17. Талдықорған қаласы 18. Текелі қаласы
Алматы қаласы	1. Алматы қаласы
Жамбыл облысы	1. Байзақ ауданы 2. Жамбыл ауданы 3. Жуалы ауданы 4. Қордай ауданы 5. Мерке ауданы 6. Мойынқұм ауданы

	7. Шу ауданы 8. Тараз қаласы
Түркістан облысы	1. Арыс ауданы 2. Бәйдібек ауданы 3. Жетісай ауданы 4. Келес ауданы 5. Қазығұрт ауданы 6. Мақтаарал ауданы 7. Ордабасы ауданы 8. Сайрам ауданы 9. Сарыағаш ауданы 10. Төлеби ауданы 11. Түлкібас ауданы 12. Шардара ауданы 13. Кентай қаласы 14. Түркістан қаласы
Шығыс Қазақстан облысы	1. Үржар ауданы 2. Зайсан ауданы
Шымкент қаласы облысы	1. Шымкент қаласы
6. Оңтүстік Сібір таулы және тау етегі аймағы	
Шығыс Қазақстан облысы	1. Глубокое ауданы 2. Катонқарағай ауданы 3. Шемонаиха ауданы 4. Тарбағатай ауданы 5. Күршім ауданы 6. Ұлан ауданы 7. Өскемен қаласы 8. Риддер қаласы